


Kaliumjodid SERB (65 mg)

Jodtabledth atovmeovlahkojne



Jis datne nuerebe goh 40 jaepien båeries, nåajsan, njammehth jallh dov leah maanah mah gåetesne årroeh? Dellie datnem juvnehtibie jodtabledth gåetesne utnedh. Tabledth maehtieh radioaktijve joden vöoste vaarlidh atovme-ovlahkojne, jih edtjeh ajve vaaltasovvedh raeriej mietie åejvieladtjijste.

Mannasinie jodtabledth vaeltedh?

Atovme-ovlahkosne radioaktijve jod mahta elmien tjirrh haasenidh jih gealoereavsan (skjoldbruskkjertel) sijse båetedh gosse deerjeldihkie elmiem njehpelde jih/jallh deerjeldihkie beapmoem byöpmede jih jovkemassem jávka. Jodtabledthi gaavhtan radioaktijve jod ij gealoereavsan sijse båetieh jih vaahram giehpede kreftskiemtjelassem gealoereavesne åadtjodh. Jodtabledth ajve radioaktijve joden vöoste vaarlje, jih eah jeatjah radioaktijve aamhti vöoste.

Gosse raeriem åådtje tabledthide vaeltedh sæjhtha daamtaj seamma tijjen raeriem åadtjodh gåetien sisnie årrohdh 2 dygni raajan. Dan åvteste vihkeles tabledthide vāarhkosne utnedh gåetesne.

Gåessie edtja tabledthide vaeltedh?

Dah edtjeh ajve vaaltasovvedh raeriej mietie åejvieladtjijste. Dastegh atovmeovlahkoe sjugniehtåvva, raerie sæjhtha vadtasovvedh meediji tjirrh, sjyöhtehke åejvieladtji tjirrh jih sijjesne www.dsa.no.

Gieh edtjeh jodtabledth vaeltedh?

Joekoen vihkeles maanah jih noerh mah leah nuerebe goh 18 jaepien båeries, dah mah nåajsan jih njammehtieh tabledth vaeltieh dan åvteste dej lea stööremes vaahra kreftskiemtjelassem åadtjodh gealoereavesne mænngan radioaktijve jodem krāahpen sijse åådtjeme. Eevre sjiere tsiehkine maahtha aaj sjyöhtehke sjidtedh dagkeri tabledthigujmie geerve almetjidie gaskem 18 jih 40 jaepieh, mearan dah mah bijjelen 40 jaepien båeries joekoen vaenie vaahram utnieh kreftskiemtjelassem åadtjodh gealoereavesne, jih eah daarpesjh jodtabledth vaeltedh. Almetjh mah leah gealoereavsam bāarhte vaalteme operasjovnen gaavhtan eah jodtabledth daarpesjh.

Åejvieladtjh sijhtieh veelebe raerieh vedtedh mah årrojedaehkieh mah edtjeh tabledthide vaeltedh atovme-ovlahkosne.

NB! Ij tjoerh tjaajalgovvedh vienhtedh jodtabledth atovme-ovlahkojne leah seamma goh beapmoelissiedorjesh jodine. Jis biejjieladtje beapmoelissiedorjesem jodine daarpesjh, v.g gosse nåajsan, gihtjh apoteekesne dan mietie.

Man jijnjem edtja Kaliumjodid SERB (65 mg) vaeltedh?

- **Gaajhkesch bijjelen 12 jaepieh, nåejsieh jñh dah mah njammehtieh: 2 tabledth (= 130 mg)**
Edtjh tabledtide njehpieldidh jijnje tjaetsine jallh jeatjah jovkemassine. Jis daerpies maahtah tabledtem soeskedh, juekedh vuj njeervedh jñh muerjie-joptine, muerjine, mielhkine vuj plearohne pleentedh.

- **Maana 3-12 jaepieh: 1 tabledte (= 65 mg)**

Maana edtja tabledtem jijnje tjaetsine jallh jeatjah jovkemassine njehpieldidh. Jis daerpies maana maahta daam soeskedh, datne maahtah dam juekedh jallh njeervedh jñh bustine vedtedh yoghurtine, muerjine vuj jeatjah beapmojne, jallh dam tjaetsine pleentedh.

Jis edtjh tjaetsine pleentedh: Biejh tabledtem akten klaasen sijse, lissehth ohtje tjaetsiem (dan jijnje maam maana maahta jovkedh). Sjoevelh medtie 2 minudth,tabledte ij ellieslaakan sjalkoeh, men daate nuekie. Baajh maanam pleentegem jovkedh. Vedtieh jijnjem jovkemassem dan mænngan.

- **Maana 1 aske - 3 jaepieh: ½ tabledte (= 32,5 mg)**

Juekieh tabledtem guektelen. Vedtieh maanese dam aktem ½-bieliem. Maana maahta dam soeskedh, datne maahtah dam njeervedh jñh bustine vedtedh yoghurtine, muerjine jallh jeatjah beapmojne, jallh dam tjaetsine pleentedh.

Jis edtjh tjaetsine pleentedh: Biejh ½-tabledtem klaasen sijse, lissehth ohtje tjaetsiem (dan jijnje maam maana maahta jovkedh). Sjoevelh medtie 2 minudth,tabledte ij ellieslaakan sjalkoeh, men daate nuekie. Baajh maanam pleentegem jovkedh. Nuhtjh stratjkem vuj bustem jis ij maana maehtieh klaaseste jovkedh. Vedtieh jijnjem jovkemassem dan mænngan.

- **Maana nuerebe 1 askeste: ¼ tabledte (= 16,25 mg)**

Juekieh tabledtem njieljie stuhtjine. Biejh dam aktem ¼- bieliem akten klaasen sijse, lissehth ohtje tjaetsiem (medtie 2-2,5 ml vuj bustetje tjaetseste lea nuekies). Sjoevelh medtie 2 minudth,tabledte ij ellieslaakan sjalkoeh, men daate nuekie. Vedtieh pleentegem maanese stratjkine vuj bustine. Vedtieh jijnjem jovkemassem dan mænngan.

Maanese seamma veahka vadtasávva bielemen krööhkestidh mejtie maana lea njammehkemaana jallh ij.

Daerpies deerpegh: Datne maahtah doseradimmistratjkh apoteekesne åestedh, jallh maahtah bustetjem nuhtjedh.

lemielaakan ij leah daerpies maanam dåakteren luvnie goerehtidh mænngan jodem vadteme, men jis datne jueriedisnie maanan healsoetsiehkien bijre edtjh staeriesdåakteren luvnie minnedh. Dihte dan åvteste akte ånnetji stuerebe vaahra aadtjen reakadamme maanaj (0-1 aske) lea vuelege stoffskifte, mah jodtabledtem åådtjeme. Maanide mah leah prematureles rekasovveme eah juvneht jodtabledtem åvteli nåejsievåhkoeh 37 mænngan.

Aellieh jodtabledth nuhtjh:

- jis dov lea kaliumjodid-allergije jallh naan jeatjah sisve-aamhteallergije bådjtjeste (tjaalasovveme bådjtjapaahken lissietjaalegisnie)

Dah edtjeh jodtabledth vaeltedh, men b ehtjierdimmien d aktere tjuara dejtie goerehtidh.

- jis dov lea stoffskifte-skiemtjelasse by roe stoffskiftepry venassh goerehtidh 6-12 v hkoej m enngan tabledtide vaalteme.
- jis datne n ajsan jih stoffskifteskiemtjelassem  tna tjuara stoffskiftem goerehtidh, voestes aejkien 2 v hkoej m enngan.
- jis dov lea dermatitis herpetiformis (Duhriings skiemtjelasse) maahtah dov njaltjaskiemtjelasse vierrebe sjidtedh m enngan jodtabledtem vaalteme, jih dov b ehtjierdimmien d aktere maahta b ehtjierdimmien staeriedidh.

Dov leah gyhtjelassh jodtabledthi b jre? Vuartesjh www.dsa.no. Daesnie aaj b evnesh gaavnh joekehts gieline.